

景明刻本夷門廣牘

三八

02 板 魚

081.3

128

:53

閑雲稿序

詩緣情而生也詩而可廢情亦  
可廢矣先王唯不廢詩故因謳  
吟謠誦之出於自然而可被絃  
箏者采之太師紀之國史用以  
為音樂蓋至仲尼之時而積有

三十餘篇聖人欲其精也擇其  
旨遠言文者命之曰經乃僅止  
於三百則詩才之妙自古已難  
之矣其流逶迤變漢魏晉以古  
唐以律凡著名流傳者皆傑然  
才士也第大曆已後作者或祖

騷人之怨而亡其比物連類緣  
情綺靡之軌於是歡愉之詞寘  
而悲慨之語繁和平之調微而  
促數之致見矣吾嘉周子逸之  
之為詩也佇興所就掬翰媿又  
咏而味之殆和暢焉歡愉而近

於和平也不亦翮乎善哉夫和  
平者治世之聲驩愉者春熙之  
化此先王之所不廢而仲尼之  
所遘求也大都世之昌也古執  
之士顯於上志舒意快其聲歡  
以愉世之衰也才藝之士伏於

下志阨氣闕其聲悲以怨間有  
得諸天不繫於遇者則不盡然  
也周子藿食布素名不列於

天朝寸不登為世用寰瀛之與  
鄰而湫隘之与宅丘壑之與托  
而魚鳥之與親安所適而驩愉

若是要其中有爽然物外者也  
獨不聞蒙莊子乎蒙莊者古之  
達人也南華之經散道德放論  
以逍遙游為首簡誠得乎逍遙  
之趣則卿相之位不足為其榮  
素封之貲不足為其富揚之青

雲而不汰抑之泥塗而不慄矣  
唐之秦系張志和宋之林逋魏  
野其人也周子篇什視四子相  
伯季而趣亦符之方將葆忘憂  
之真順倘來之遇調陰陽之節  
理萬物之和摹烟霞繪花月酌



騷雅引宮角油油渙而出之若  
怒髮而悲譎呶嘍而逼仄周何  
有哉仲尼貴隱逸於衡門考槃  
之高蹈三致意焉若周子者謂  
之合於衡門考槃非耶俾四子  
賚余言必有當於心矣周子早

歲工五言律窮盛而七言與古  
選次之其意以兼能之不足弗  
若獨至之有餘後周子齒益壯  
又薦嗜吟哦其思泉涌颺發以  
故頃年以來諸體畢工矣所謂  
見其進未見其止也周子弼梅

墟山人學晉人書肖之頃寫黃  
庭道經二帖深得逸少筆意集  
以閻雲館名吾嘉自頃上林元淇  
戚苻卿元佐僧正念方澤相繼  
云亡今詩苑零落纔不過四五  
同志余故每見少俊能詩者云

此吾嘉鳳皇也堪為世瑞而數  
數稱述周子於吾黨猶揚敬之  
之於項斯云

萬曆己卯三月三日

前進士刑部尚書郎彭輅撰



聞雲臺序

昭陽大荒落三夏余方擘犢林  
百里中周逸之者一再謁余因  
出其所爲詩肥蒼彌白聞雲稿  
去余序惟風噫而葉切湍激而  
瀨語次萬不同咸其官自得沉詩

乎哉夫詩情性三宗也治道之  
大闢也此物之有損者也孔子  
刪詩美一而刺九益所以宣民  
情導三使言若十月之交雨無  
正雝幽厲三虐不能廢是故先  
王陳詩采風以考民始察治道

盖非無繇也唐風盛也矣中器  
亏宋追

國朝乃復有詩往者代起猶三  
乎雲蒸霞變爛熳域中永庶幾  
開元大曆喪然廟堂三什或尚  
綺靡山林三詞或尋鬱結間有

如管心所瑕摘香嬰非詩二首  
得之吾嘉上衍澤秀雲林蕭疎  
盲昔爲高山韻本托跡君以布  
衣逍遙算間彈琴讀書玄覽物  
外興至則橫几臨逸少帖或乘  
小舟弄烟水三互淵徇漁父傳



楚且遭逢太平歌集許詠之薇  
兼少陵摩詰咄二憂時三致以  
故發而為詩言二官得彭以部  
稱君詩去悲慨而近蘇丐且曰  
和平者治此三敵也比部知詩  
且知君毋爲問僕矣

閒雲稿序

蔡良黃澣震書

廿卷



閒雲稿序

越嘉周子逸之從余遊請問  
詩余賦周生行以贈既而持  
閒雲稿來乞序余訝曰向吾  
示之以杜德殆未見衡氣機

也胡速肖而損造若是哉其  
師彘比部謂其詩歡愉而近  
於和平治世之音也蓋丘壑  
之與託魚鳥之與親塵視富  
貴銖視軒冕者也然詩必楚

湘之九歌行吟憔悴少陵之  
七哀惘時紀事慷慨悲壯庶  
能感人也否則風形月露流  
連光景烏貴和平哉其友黃  
太史謂其玄覽物外忘情世

變觀昭曠而快逍遙使無祀  
人仰天之憂室女倚楹之感  
若胡越肥脊蒙莊放誕無復  
黍離麥秀之篇即土衍澤秀  
未必能移人也烏取風雅正

始之音哉必本之性情心乎  
禮義溫柔敦厚而不愚則深  
於詩者也余曰其和平而進  
之以湛鬱反其勸愉而廣之  
以激烈庶成大家哉周子勉

旃母畫

萬曆辛巳仲冬朔旦

前進士天官大夫

吳郡皇甫汈子循誤





閑雲稿序

沛氏萃津公里畏艱而遊足跡  
且遍天下而獨物色古秀曰其  
地衍而廣其人雅而文泉流漱  
玉林麓雲濛彼水涯曲渚

中必有嗜日方立言獨行之士也

其折簡而文秀之夫夫士志  
且屬一而獨物也梅墟子曰神

情玉琢寸思霞敷顏脩而癩佳者  
芝玉禾殆嵇阮之倫而陶謝是

匹者歟不佞乃愕然曰東吳  
余所聞常遊者而獨不知有  
所謂梅墟子其人何居姓氏  
曰余不能悉也而第觀其詩  
因授一帙于不佞尔時帳中適

有軍事不暇披詠惟寅夜無  
寐起兩徘徊刁斗無聲身探月  
猶白每取兩歌詠盡一章  
則進一壘當會意處未常  
不待灑灑若脫戎馬之場而

置我于冰琴雪鶴之間也他  
日謂殊氏曰子之友梅壚子者  
真吳之佳也讀其詩知其澹  
然無懷彼其於梅也而竹帛直  
螺蠃之笑所謂盛世之逸民

齊策而駕許寧眇小者倫哉  
今者秋笳後折陣馬盤鷗犬  
夫此無累竿之思而鄉山社  
水似攬人為多思也何日買田  
攜孝之上為終老以耕雲

釣澤以友斯人梅壚子必掃  
石抱琴以俟我也目綴之簡  
端以附後軌之誨

萬曆壬子子初夏吉旦

賜進士第資善大夫都察

院左都御史  
兼兵部右侍郎

郎  
總督  
於  
割  
濟  
等  
處  
軍  
務

侍  
經  
筵

賜  
飛  
魚  
服  
山  
陰  
環  
洲  
吳  
文  
謨





閔雲崇敘

余嘗吳之胥逸之舊矣晚得讀  
其詩最晚得秣衡為志其行誼  
對衡曰周子隆岬而昂鼻激髯  
而多風行則蹌人則于人蓋望之  
若神駿奔騰而愈益就之則喫

然蘇也曰卓哉故其詩跌宕而  
隱起林衡曰周子睿發而多滌  
宏辨而中於事情一衡莫當一  
縱誰挽侃凜、疑於古之堅白  
曰警哉故其詩慧而多秀語林  
衡曰周子雅志僻古摩挲鼎彝

搜秦而鑑漢竹筴笥其豐儲曰雅  
哉故其詩蒼鬱而有色叔衡曰  
周子善摹而工于點畫篆籀畢  
舉楷隸兼妙甜墨伸絃驅王駕  
趙且以其餘點染竹石而肖諸  
造物也曰藝哉故其詩多識而

善抹舂衡曰周子能琴能歌喜  
釣喜弋誅茅索綯作室于白亭  
之磧溪吟谷嘯聊以永日曰達哉  
故其詩恬然放而不收也叔衡  
曰周子通儒而好道冥坐束足  
潛心于澗其形兀々其視填々曰邃

哉深哉羗曠逸哉故其詩仙僊  
而不染若雪田之鶴也繼而告  
叔衡曰使周子能北游而觀宮  
闕之富鐘簾之盛縉紳學士之  
彬彬當消融其麋鹿之思而為  
器也然而味其言似已痼其志

于長林豐草間矣曰歌白駒之  
二章而於衡代歌衡門之首章  
以應他日逸之以集序請遂撫  
以如此於衡與逸之皆周姓而  
又皆能詩故兩人深相結也  
萬曆壬午孟春吉旦

賜進士及第資政大夫太子太  
保禮部尚書兼翰林院學士  
前

國史總裁

經筵講官國子監監祭酒

新昌水簾潘晟書



閒雲稿卷之一

嘉禾梅墟山人周履靖著

春日南園雜興八首

幽居無一事長日掩柴扉  
桑柘春前綠鶯花雨後肥  
川光搖夕霽嵐氣帶雲飛  
日暮溪南寺鐘聲出翠微

其二

數里郊墟外孤村烟火賒  
牛羊歸隴陌鷄犬隔鄰家  
布穀春將晚班荆日欲斜  
田翁時過飲相



對話桑麻

其三

綠樹村邊繞清溪檻外紆閒披高士傳頻灌小  
園蔬晝靜聞山鳥林深少客車欲知逃世網脩  
竹是吾廬

其四

樂此幽幽栖處閒心對野鷗遠山千疊翠春水一  
溪流苔遍蓬蒿徑香生杜若洲蘭樽隨所適身  
外復何求

其五

晨起寂無事居然思獨惺臨池摹晉帖隱几閱  
玄經酒向樽中綠山當雨後青誰憐嵇叔夜嬾  
慢卧柴扃

其六

種竹開幽徑臨軒築小山未成招隱賦且樂考  
槃閒對酒花相笑當歌鳥自還悠然靜觀處明  
月到柴關

其七

棲雲恒自足學圃謝無能游心惟竹素抱甕汲  
寒澄堂北萱堪樹溪南石可憑應知會心處魚  
鳥是良朋

其八

久欲全踈拙回棲野外林桃花兩岸色楊柳一  
溪陰機忘狎鷗鷺性癖嗜書琴吾生耽樂事何  
必歎浮沉

壽文水文師

解組歸來樂事偏蒼顏綠鬢九華仙風流世繼

蘭亭蹟經學時稱涑水賢三月鶯花吳苑酒五  
湖書畫米家船長生已授桐君錄遙夜萃星傍  
斗懸

贈羅陽劉師

共羨清時早解紳扁舟歸泛五湖濱文章一代  
推中壘名姓三朝重侍臣樽酒頻開青嶂月琴  
書常閱絳帷春懸知桃李公門樹日向敷榮化  
雨新

詠懷

四十總無聞荏苒竟碌碌功名日蹉跎逡巡以  
混俗獨鶴逐鷄群空瞻遠舉鵠純鈎秘匣中遺  
編徒自勗出郭望古墓但悲年命促歲蕤秋菊  
芬倏忽春草綠榮華無定期光景靜中矚嬾染  
洛陽塵喜釣巖灘曲蘭餘幽澤馨鷗任滄洲浴  
散髮晞朝陽不受冠裳束種柳學陶潛誅茅傍  
愚谷桑樞暫曳門苔茵聊當褥何妨陋巷瓢那  
羨高駟駟行歌拾遺穗耻貧監河粟漸以却煩  
囂常能守幽獨爐香靜自焚澄心祛所欲掃葉

焚枯魚携壺招近局  
驩然引夜杯明月何需燭  
石林一枕高甕牖三竿旭  
無事到江城庶免殆  
與辱五畝種瓜田此生聊自足  
頽俗寡所諧南華可三復

送黃葵陽翰林

酒盈金屈觥槎汎玉堂仙  
紫綬飄飄日金闈侍  
從年揮毫誇倚馬作賦擬甘泉  
當代推班馬應知寵渥偏

梅花燈詠

不藉陽春發偏依火樹明無香風外度有影月中橫

元夕觀燈

九枝燈火炫金蓮共道春城不夜天曾憶廣陵雲裏樂霓裳歌舞夜踰躑

屠長卿過訪閒雲館

遙羨嵇中散軒居此日過不嫌荒徑寂但覺白雲多野饌供葵藿清陰結薜蘿如澠新酒熟奚惜醉叵羅

春望

江空遙入望一水接長天芳草王孫路斜陽旅  
客船桃花三月雨楊柳萬家烟誰道征途倦臨  
風亦黯然

春日項墨林夜集觀妓

華堂展良燕殘雪帶春寒舞袖搖銀燭歌聲繞  
畫欄月浮杯乍白漏促夜將闌倒着接羅興山  
公醉笑看

賦得春暖桃花浪



古渡添新漲，迴瀾泛落英。錦光搖淑浦，艷色動江城。紅雨隨濤急，丹霞濯浪明。武陵三月暮，流水接滄瀛。

上巳同張伯容泛舟

有客尋春興，因之共採芳。良辰宜拔楔，沉醉漫浮觴。徑轉溪流合，春深草木香。不妨歸棹晚，新月照橫塘。

荅彭師冲溪

堦前芳草綠，春色已全過。山水遺情遠，琴樽入

興多披襟乘朗月揮塵寄青蘿爲問先生道花  
間醉幾何

訪張陵虛

東風三月惜春還有客移舟叩竹關綠柳陰中  
啼鳥靜翠微深處落花間琴彈淨几聞流水酒  
泛宜城對遠山清世自耽玄草室肯容問字一  
追扳

訪張幼于

日照吳門練色深君家兄弟擅詞林斗間紫氣

開卷和 卷二十一 十一卷二十一  
占龍劍閣上朝陽  
洽鳳音藻賦盛傳  
文苑秘綵  
毫頻向研池臨  
遙知竹裏開三徑  
媿似求羊得  
重尋

過王百穀半偈菴有贈

托迹渾疑雲水僧  
常依精舍說三乘  
百年獨秀  
蒼松石一點常明  
繡佛燈鶴御花間  
邀子晉鸞  
鳴月下嘯孫登  
居然趺坐繩牀上  
靜夜聞鐘萬  
劫澄

清明日崑山遇雨因思先隴

渺渺度江濱，淒淒倍慘神。  
偶逢寒日節，應惜故園春。  
古渡迴風急，孤篷送雨頻。  
荒塗竟誰展，涕淚一沾巾。

同陶甄卿李君實擬訪耶溪上人，不遇，且有庭梅可玩，漫成一律。

欲訪東林社，因要周續之。  
陶潛情縱酒，李白興無羈。  
杖錫何方駐，觀梅此日期。  
庭前有清沼，一鑑識妍媸。

春日集許夢萱宴

淑景催芳燕風花遍草堂樽傾同北海客聚儼  
高陽對局延宵永呼盧引興長主人情未極明  
月正流光

荅秋潭上人過村居觀梅和韻

莫道村居迫鴛湖逼我家林幽啼鳥亂樹密轉  
溪斜野思迷芳草清暉映晚霞支公多逸興移  
棹問梅花

訪武湖友家卽事

爲訪幽人宅遙尋谷水西入林驚犬吠隔竹愛

鶯啼白幘耽樽酒青出信杖藜桃花開兩岍宛  
是武陵溪

過包學憲園居

一徑開林莽雙溪帶雨寒繁花疑列錦脩竹欲  
凌翰鶴唳蒼松塢苔封白石欄東山歸卧穩樽  
酒日盤桓

懶

春來頻伏枕高卧與雲居樹密鳴禽好林幽過  
客疎梧風吹榻爽松月映杯虛牘有籠鶯與黃

庭久不書

春日過訪陶山人留酌

久擬尋春曳杖來不妨履跡破蒼苔胡床共據  
東林月清醕頻傾北海杯遊思幾回芳草遍詩  
情多爲落花催與君未盡厭厭興不覺酡顏玉  
已頽

春風

着柳搖金縷臨池動碧紋梅花半殘處香雪落  
紛紛

山居

花發溪前樹雲生屋後山  
徑幽無轍跡長日掩柴關

別友

分手江亭上離情酒一觴  
吳山雲際斷越水望中長  
芳草迷征袂飛花點去裝  
他時明月下兩地可相望

鳥聲驚睡

房櫳春暖睡偏遲  
淑氣先從鳴鳥知  
倚樹千聲



驚曉夢臨風百轉動春思祖生不必聽鷄舞漢  
使何須望雁悲寄語東山高卧者枝頭絃管可  
相期

幽窓睡起招城南知己

幽窓一榻卧偏宜  
夢覺絕驚鳥語時  
幾處看花頻中酒  
滿牀明月忽成詩  
琴携叔夜誰同調  
舟泛王猷吾獨思  
漫寄城南舊知己  
可無佳興赴春期

雨後讀高士傳

春來風雨遍林丘寂寂空齋動客愁  
草徑絕人閒仲蔚漆園傲吏寄莊周  
枝間好鳥催杯盡野外名山作卧遊  
漫倒床頭新釀酒不如且學醉鄉侯

送吳公子鳳山入京應試

才子翩翩挾策遊春風更入

帝王州青萍壯氣遙凌斗綵筆生華近報秋霄  
逼九重鵬鷲路雲開五色鳳皇樓相家經業君  
能擅江左風流誰與儔

送別

桃花開兩岸春水一溪高孤舟成遠邁蘭芷紆  
江臯窮達固有命身心何足勞千愁寘胸臆兩  
鬢成霜毛杯酒一爲別涕淚沾征袍回首情未  
盡白雲天際遙

和張伯咨春遊景德寺得房字

杖藜郊外探春暘來扣支公竹下房幻跡已隨  
雲共往閒情久與世相忘天成絕巘層層碧路  
入叢林樹樹芳歸去夕陽湖水濶漁歌款乃在

滄浪

山僧惠茶

僧來天目寺貽我雨前茶  
莢似黃金嫩泉如白雪  
華長卿消渴思鴻漸  
品題嘉茗石向盧仝  
啜寧言七碗賒

寄識軒俞比部

吳中媿託金蘭誼  
天上難攀玉樹枝  
况是秋風鵬再起  
卑栖燕雀切情私

白苧歌

荒墟三畝鴛湖邊茅屋數椽心自便繁梅帶雪  
映屋角翠竹凝烟當牖前主人散髮性踈嬾白  
晝掩卷臨窓眠興來徐步松下石屐齒印破蒼  
苔色虛堂寂寂迥無喧鵲噪應過素心客牀頭  
有酒濃如潼鈞來之魚長一尺盤蔬漫剪園中  
葵高歌共擬仙人宅醉後詩成足幾篇篇篇欲  
作珊瑚赤起舞階下花狼藉翩翩恍疑生兩腋  
年來何以充朝飧紫霞英英手可摘

和沈觀察薄暮發西九過善卷洞吳氏伯仲

載酒舟中

幽人雀舫汎清波載酒邀賓日暮過十里曉山  
縈野樹一溪春水繞烟蘿奚郎古渡吹橫笛漁  
父滄浪起棹歌爲問山公遊樂處月明良夜興  
如何

村居客過

溪幽春更好市遠隔塵氛僻徑惟聞鳥荒村獨  
過君班荆談落日倚杖看流雲濁酒聊成飲歸  
舟月色分

寄金弘叔

結廬喜與竹爲隣  
蒲徑清風藉此身  
黃鳥有情時對語  
白雲無意日相親  
閒臨石渚垂魚釣  
懶出江城脫角巾  
却羨春來濡綵筆  
畫將山水寄幽人

題釣鰲磯二首

偶來磯上坐青莎  
一望湖光雨後多  
水上樓臺如入鏡  
花間鶯燕似成歌  
遊人傳筆酣春色  
神女捐珠弄夜波  
漠漠澹烟籠古樹  
遙聞天籟起

炯蘿

其二

重重樓閣俯滄溟  
高築漁磯傍水亭  
樹色四圍  
炯外碧湖光  
千頃雨中青  
東連越海  
凭爲塹  
北控吳門  
恃作屏  
幾處笙歌聽  
不盡畫船明月繞  
沙汀

客有言天台之勝漫賦

偶逢逸客話天台  
瀑布千尋翠壁開  
山徑雨晴  
瑤草茁溪塘  
夜靜榜人回  
石梁雲護三松寺  
仙



壑秋深八桂臺何日移家傍巖谷數椽茅屋萬  
峰隈

鍾使君水竹墅

澄溪一曲繞方塘脩竹千竿護草堂明月泛舟  
同李郭微風開徑有求羊逍遙淇上芳樽滿盤  
礴林中碧簟涼自是使君多逸興不辭過客詠  
滄浪

贈郭五游隱居焦山

五岳遊來鬢未星攬將幽勝入圖經身閒鹿豕

常爲伴思入烟霞自獨醒得句每憑江月上談  
玄時引洞猿聽知君已遁焦山跡拂石重題瘞  
鶴銘

姚玄嶽見訪

獨卧中林下蕭然戶久扃鶴鳴知客到琴響愛  
雲停入竹堪題句看花數落英虛窓成晤對明  
月過巖屏

春日過金明寺訪秋潭上人

春來黃鳥自嚶嚶結社遙知惠遠名落日踈鐘

流澗響空塔孤鶴繞花行蘇公說偈來忝座陶  
令逃禪未解醒不覺東林明月上悠然相對悟  
無生

村居

携李城南五里餘蕭蕭水竹野人居浮雲世外  
一樽酒長日床頭數卷書虛牖月明留客醉芳  
園雨過課兒鋤悠然流水柴門繞白日垂竿且  
作漁

過玉樞觀丈室四首

江城春雨後訪客到巖栖竹靜林逾窄花深路  
欲迷浮沉忘世態虛朗得天倪晤對斜陽裏歸  
雲繞戶低

其二

仙隱隔塵寰清虛白日間洞蕭吹碧玉石乳駐  
朱顏春暖芝三秀年深丹九還欲傳其秘訣松  
下叩玄關

其三

仙家一境深深鷄犬寂無音黃獨能充饌丹砂自

化金花繁春不盡  
松古畫常陰隱  
几忘深坐清  
虛長道心

其四

閒居唯習靜  
長日閱南華  
客至先迎鶴  
童來謾煮茶  
糞生經月  
莢松落半庭  
花借問軒  
居客何如  
道者家

閒居對雨

十日春陰合  
孤城積雨寒  
不禁愁思溢  
須仗酒杯寬  
竹色侵衣重  
花枝照眼殘  
欲將遺世意  
俱

付釣魚竿

對酒

新釀乘春熟庭花映日開清風松牖至逸客剡  
溪來細切金盤膾旋傾玉瀝醅前軒明月上徒  
倚坐蒼苔

寄謝子仁

一自鶯啼送別時忽看楓落又空枝書沉薊北  
歸鴻遠路入江南去馬遲草色連天牽客夢月  
明蒲地動相思何時共秉東窓燭白酒黃花續

勝期

江村晚霽

澤國微茫水接天  
數家茅屋起炊烟  
隔洲漁網斜陽裏  
遠浦菱歌薄靄邊  
樹壑依依堪獨坐  
柴門寂寂任高眠  
晚來更喜東隣社  
搗鼓兒童喚語闌

別陶甄卿二首

惟爾江南客飄然冀北遊  
篋中藏竹素袖裡挾吳鉤  
堤柳縈離緒溪花繞去舟  
人生輕聚散世

事總浮漚

其二

送客早春時離腸促酒卮行程催去棹別袂縮  
游絲芳草天涯望梅花江上期秋風傳尺素莫  
使雁來遲

送陶君北上二首

南臨鴛浦春初霽北望吳門路轉長一曲歌來  
牽別思三杯傾後促離腸須知塵世如虛夢莫  
戀京華是故鄉十里津亭回首處杉青落日恨



茫茫

其二

二月江花開滿洲故人遠別更牽愁  
鶯聲惜別春將老柳色沾衣綠正稠  
劍上寒光隨客路雲中佳氣近

皇州歸期好赴南來鴈莫負黃花三徑幽

久雨喜晴

經旬踈雨獨蕭然曙色晴分萬里天  
幾處鳥聲新霽後一番花氣晚風前  
鳧鷖對對浮春水楊

柳依依拂曉烟欲過西郊尋酒伴不辭沉醉習  
池邊

暮春病懷

兼旬不出郊春色翳蓬茅酒薄愁難遣詩慵病  
已拋柳塘魚沫絮花塢燕營巢春去渾無緒晴  
窓讀楚騷

雨夜

殘春風雨急日日閉柴扃自憐雙鬢白聊對一  
燈青夜永情無賴愁深醉易醒破窓蕉葉亂枕

上不堪聽

閒居簡友

一春花事盡歲月已蹉跎  
閣筆思工句鳴琴却  
睡魔性踈交物寡晝靜下帷多  
不厭巖居寂扶  
筇過澗阿

過田家

釀熟牀頭酒回過野老家  
嚶嚶枝上鳥燁燁露  
中華入饌供青筍傳杯汎紫霞  
興闌新月掛散  
步過溪斜

寄章仲玉

與君分手石橋邊  
江上春風又隔年  
岸草忽生遊子夢  
梅花遙憶故人篇  
闔閭城外從雲望  
烟雨樓前待月圓  
吳越相望應咫尺  
相思莫阻鴈鴻傳

暮春携酒過黃氏禮石軒得石字

熏風轉南陸  
殘紅曳郊陌  
而我載酒人  
招尋素心客  
好鳥鳴深林  
橫塘漲新碧  
斜陽映溪流  
微風動巾幘  
白雲浮碧天  
明月照幽石  
醉我不知

還烟深村已夕

招王山人

不見王珉久春來思若何  
杖頭沽酒值谷口採  
芝歌月照青蘿館風晴白  
芡阿林間饒筍蕨待  
爾一相過

有客過訪不值

寂寂蓬門下春風來友生  
不堪題鳳字無那聽  
鶯聲庭際閒花落堦前  
碧蘚榮虛堂明月在  
悵望不勝情

春閨怨

清晝園林啼鳥稀  
留春無那惜春歸  
離愁不逐東風散  
化作楊花着處飛

暮春有感答所知

深巷絕經過  
門閒鎖薜蘿  
詩懷春更少  
酒債日偏多  
燕子將鶯語  
鶯語爲客歌  
不知嵇叔夜  
雅調近如何

巳外除夕

殘臘逼新歲  
宵餘尚舊年  
松燃今夜火  
竹爆早

春烟濁酒過村釀辛盤入野筵忽驚三十載世  
事幾推遷

閒雲稿卷之二

嘉禾梅墟山人周履靖著

採芝曲

山深多白雲樹杪懸飛瀑中有採芝人長歌行  
帶索炯蘿縹緲遙躋攀清泉脈脈聲潺潺玄猿  
古洞常哀嘯自是仙界非人間山頭嵐氣濕紫  
芝大如笠振衣長嘯向天風拂石因之覽篇什  
醉聽楚調碧雲中仙客相逢一長揖烟霞霏霏  
滿林藪堪嗟萬物皆苟狗傲睨人間名利徒浮



雲變幻吾何有

夏日竹林閒坐

蕭蕭竹數叢涼飈襲林莽習靜高齋虛琅玕振  
餘響倏忽翳繁陰悠悠足心賞一枕北窓間如  
在羲皇上條然屏俗氛曠矣絕塵想茶烟散碧  
空雲影飛蘿幌唯諧素心人高談入玄朗

出塞

赤羽插兜鍪將軍出塞遊電光騰漢馬霜氣肅  
吳鉤白雪千山曉黃雲萬里秋城南鞞鼓動威

振朔河頭

其二

塞上龍沙合王師氣亦雄  
雕弓彎夜月長劍倚  
秋空陣結天邊鳥營連海上虹  
漢南驕虜遁不  
數貳師功

昭君怨

畫圖君未識薄命搃堪傷  
上馬含新恨離宮憶  
舊粧朔雲沾淚濕邊月蹙眉長  
惟有青丘草年年徒自芳

送王元美入曇陽仙館修道

三朝出入擅才華未老投簪卧紫霞  
脫屣人間聊謝世希仙物外欲辭家  
閉關親授曇陽訣採藥兼貽少室花  
自是久懷禽向願相從何日飯胡麻

初夏即事

柴門長日靜花落一林風山色新晴後  
溪聲過兩中簷巢留燕乳籬網訝蛛籠  
抱膝長吟咏詩成不計工

夏日集盛敬山齋

兩過忽生涼高齋夏日長  
啣杯浮綠蟻鼓瑟激清商  
修竹連雲翠芳蓮入座香  
獨憐隣叟興携酒近東墻

送周後峯

之子弭歸棹當杯引劍看  
話殘銀燭冷風悄客裘寒  
別緒一宵集高情兩地寬  
檣烏愁入望渺渺暮雲端

寄葵陽黃太史

含香仙吏玉堂英  
華綬翩翩漢長卿  
當代文章推左氏  
清時辭賦重西京  
傳來白雪人難和  
譽出青雲誰與并  
會見近開天祿閣  
青藜夜夜照書明

壽百泉皇甫師

昔從藝苑攀花客  
今識吳門採藥翁  
華髮不隨飛雪白  
玉顏常駐落霞紅  
琴樽已入耆英社  
詞賦應推漢魏風  
遙指歲星長夜耿  
還瞻紫氣滿江東

書坐

碧水浮蓮檻微涼動竹枝  
野花凝宿露風葉罨晴絲  
漫擬閒居賦高歌伐木詩  
莫云長日靜鳴鳥自相期

賦得竹深留客處

脩脩千挺玉爽籟一林深  
翠色侵踈篔清陰洽素襟  
子猷堪寄傲叔夜愜幽尋  
瀟灑淇園暮涼風動客吟

賦得荷淨納涼時

避暑逃河朔誰知向若耶江妃步羅襪越女浣  
溪沙露濕霓裳冷風香翠袖斜採蓮歌乍起涼  
思入蒹葭

暑夜

松下堪逃暑悠然坐夜分風前移枕簟竹外散  
氛氲宿草螢流火喬枝鶴載雲更殘星月皎萬  
籟寂無聞

過白蓮寺

一入清冷境深溪跨石梁庭陰蒼蘚台閣影碧

雲涼蓮白泉猶白花香兩亦香靜聞清楚梵後俗  
慮可相忘

關山月二首

明月照關山征夫擊刁斗相彼閨中人清光共  
相守

其二

月落陰山暗匈奴半渡河征夫起想視錯愕不  
敢呼

隴頭水



隴水一何急隴風一何多風吹逐臣淚流水爲  
增波

折楊柳

楊柳綠如烟垂條何纖纖送君出東郭聊代繞  
朝鞭

君馬黃

君馬黃如金臣馬黑如鐵永河那可渡雲山那  
可涉

採蓮曲六首

荷花比顏色君道花多姿將花擲君前請君抱  
花枝

其二

妾慙比花好君道花不如顏衰與花落君心復  
何予

其三

碧葉如春雲素藕如春霜爲看花開日紅顏似  
六郎

其四

妾貌荷花紅妾心蓮心苦荷花更有香蓮心只  
是苦

其五

折藕絲不斷揉花衣更香無端擲蓮子打散兩  
鴛鴦

其六

蓮葉綠可掬蓮花紅復嬌玉腕柔無力隨風嬾  
着梳

白門柳

如何白門柳空作青蘿色縱有千萬條不堪繫  
金勒

江南弄

春雨長新苔春風撲面來江南三月景無處不  
花開

菱歌

水綠菱花香霜寒橘柚美羨殺蕩舟人歌聲出  
烟水

銅雀妓

二喬招不來雙雀飛不去回首望西陵蕭蕭但  
烟樹

吳王臺

霞錦如衣錦花香似粉香向來歌舞地夜雨鳴  
寒蟬

巫山高

巫山一何高雲夢一何低高低不可望烟霧使  
人迷

子夜歌

白日不再過  
缺月不常滿  
壯士聞鷄鳴  
起舞復深慙

綠綺琴

偶携綠綺琴  
欲寫相思怨  
含情曲未終  
窓外飛花綫

懊懷行二首

悲風夜西來  
怒號江頭樹  
愁殺江干人  
水深不堪渡

其二

花開不來折花老空折枝如何折花人春盡無  
歸期

宮月

明月本無情人間有歡苦東宮照莓苔西宮照  
歌舞

秋江怨

江水從深淺江雲自澹濃蘭舟輕蕩槳木不去採  
芙蓉

上楊司馬應詔北司空排律一首

奕奕瞻山斗雍雍列上公冰霜清白操河洛鬼  
神功畫戟明秋月霓旌捲朔風三朝崇德譽廿  
載展勤忠曳履隨仙馭鳴珂繞玉駃儀刑仰四  
海禮樂範東宮社稷匡扶重巖廊補袞隆高勲  
著麟閣景曜企無窮

田居

欲屏寰中跡郊墟搆小廬不妨營日夕聊以托  
村居時聽鳥鳴谷欣看農荷鋤送雲歸嶺岫帶  
月灌園蔬得意哦新句無材任朽樗客來炊脫



粟僮去擊鮮魚莫謂囊無物還欣架有書但能  
長壽考利祿本來虛

書懷

長日衡門晝掩深微風庭院轉槐陰閒來賸有  
琴樽興老去惟餘泉石心狂夫接輿歌遠道懶  
餘中散卧長林自甘原憲終貧賤委巷蕭條少  
客尋

寄友

憶昔河梁送別時兩經春草隔佳期朱門俠客

青駘馬茅屋潛夫白接羸目斷北來秋後鴈心  
驚去歲鬢邊絲不知何日思歸騎對爾同吟月  
下詩

詠沈霓川存石堂

百年堂肯構遺石尚從龍陟屺終思後羨墻未  
慕中烟雲三島蹟文藻一家風奕世箕裘業悠  
悠繼不窮

和沈觀察移榻

竹間開短榻林下寄閒人傲睨空孤眼婆娑老

此身枕聽黃鳥近庭轉綠槐新明月幽窓下偏  
宜獨鶴親

和沈觀察七月望夕熟岡對月兼懷几軒長  
公

扶策向林邊崗頭月正圓珠光浮湛露野色散  
輕烟桂自秋中馥人從靜裏偏不堪懷遠意把  
酒對嬋娟

村樂

十里江村隱者家幾椽茅屋傍溪斜須知力稼

丘中事豈羨浮名世上華  
曉霽虹收千嶂雨晚  
香風度一林花西鄰野老成春社  
此日酣歸月  
正嘉

初度

秋半逢初度江潮此日來  
膝前兒女幼髮上雪  
霜催事業渾蕉鹿功名付草萊  
知非年已及心  
迹揔寒灰

荅水文文師

無人慰幽獨倚石撫孤琴  
忽枉山中叟遙傳雲

外音別時聞雅調歸後長蓬心若問林丘事烟霞夢已深

寄金華破瓢道人吳少君

若個買山錢誅茅古洞邊羨君遺世意貽我采真篇充茹岩頭蕨躬耕谷口田江南春色早梅信望先傳

送別田十二

此夜故人別清罇可暫留高駘尋故道落葉擾新愁目送關山杳心隨漢水悠西窓雖有月思

爾勸登樓

採蓮曲

蘭舟蕩漾平湖裏  
紅粧艷冶臨江水  
一片波光似鏡明  
娟娟照曜芙蓉美  
荷香不斷因風微  
柳蒲深深人跡稀  
歌聲宛轉度芳渚  
鴛鴦拍水還驚飛  
烟光散彩日欲晡  
錦帆遥遥隔江滸  
却恐羅衣不耐秋  
還裁白苧牽衣補

過山家

策杖探名隱  
茅茨碧澗阿  
雜花當戶繞  
幽鳥隔

林歌風引泉聲細窓含樹色多憐君有高致我亦愛松蘿

睡起

寂寂幽窓夢覺初一簾花氣闋琴書坐來清晝無人到愛聽黃鸝慰索居

長安寶騎篇爲李君實賦

旭日曛曛生紫烟百花晴洲春可憐驛駟蹠蹠騁天路錦鞵玉勒珊瑚鞭鞭稍遙指長安樹樹色濛濛隔春渚一朝直上張騫槎萬載常通牛

女渡女牛渡口逼銀河燦燦文光照碧波蓮花  
亂撲仙人掌羅綺新裁帝子梭梭去梭來錦色  
饒鮮霞翠靄濯江濤春雷午夜驚龍穴霽日啣  
輝識鳳巢穴龍巢鳳起天門詔墨濃香蚤被恩  
掛體宮袍雲氣潤爭先寶騎雪花痕寶騎青絲  
映御溝花開花落任東流水天儻有敲詩夢憶  
我江干老釣舟

馮懷七首

不識侯門貴甘爲石戶農衣裁秋後薜饌煮雨



前葑無意看黃鵠多情慕赤松  
生平山水癖麋鹿伴行蹤

其二

計拙違人意情踈處世疲  
雲霞堪作伴筆硯藉爲資  
興逸吟山月酣餘倒接甌  
雄心今已矣雙鬢忽成絲

其三

不是封侯骨應知樗散材  
甘心從木石屏跡翳蒿萊  
梅種孤山玉綸垂巖瀨  
臺野人機已息鷗

鳥莫相猜

其四

阮藉愁何在因知轍跡窮  
雄消湖海氣性任馬  
牛風春醉花間月秋餐菊下  
叢無人識此意矯  
矯寄冥鴻

其五

少年不解事氣俠五陵豪  
偃蹇嗟時命蹉跎感  
鬢毛明月照茅屋涼風吹  
布袍經旬不到市閉  
戶讀離騷

其六

自甘巖穴下嘯傲一墟間  
白雲寄幽躅丹藥駐顏顏  
慮澹何希世身閒且對山  
半生空碌碌倦鳥已知還

其七

守道存吾拙遂與世俱違  
門靜雲來慣家貧客過稀  
青山成隱癖瑤草解忘飢  
欲學原生志甘爲百結衣

草堂即事

空齋寂寂鳥鳴時  
門徑無人苔蘚滋  
林靜茅堂  
眠晝永庭寒花樹發  
春遲厨分餘粒供  
雛鶴篋  
剩殘編讀舊詩  
自信踈慵違世用  
且傾杯酒向  
東籬

聞徐潤卿西行見寄

不見徐卿久  
相思勞夢魂  
君能乘剡棹  
我已守衡門  
寄興憑花鳥  
寬愁任酒樽  
何時還策杖  
白苧是吾村

夜吟

月三和 卷之二 十一  
白日苦不末秉燭忘更深  
蛩聲四壁冷月色一  
庭陰吟處燈花落酣餘  
刻漏沉松窓坐不寐曠  
矣竭來心

詠僧房古雙樹

亭亭雙樹起鬱鬱野烟封  
老幹偏巢鶴危枝欲  
化龍霜清存節古月冷  
羃陰重僧臘經來久生  
公此寄蹤

君實姪讀書白苧村

苧村五里暫誅茅松桂春  
深紫翠交映雪莫違

孫氏志草玄何解子雲嘲慙余樗散終投壑羨  
爾騫騰豈繫匏佇看南湖春漲暖雲雷指日起  
潛蛟

和遊善卷洞二首

躡屩探仙境烟霞幾萬重澗邊瑤草合洞口白  
雲封怪石蹲如虎長松偃似龍靈砂無覓處丹  
竈有遺蹤

其二

藤蘿蔓古道別是一丹丘白鹿花間過青霞松

開學和 卷之二 十一  
際浮澗泉行處急石磴坐來幽忽聽簫聲起仙  
家近倚樓

和遊天窟洞

何年鍾異窟竒絕出天工日月開圖象烟霞鎖  
洞宮泉飛如噴雪松響自含風此日尋幽憩蕭  
然俗慮空

遊王杞縣湖上園亭

窈窕亭臺控紫烟迴峰疊嶂俯晴川人間不隔  
三山境塵世今開二酉天水接澄湖通曲沼竹

連幽徑瀉清泉高陽逸侶時相過詩酒歡歌帶  
月還

暮歸

野色暮蒼蒼投林鳥宿忙隔溪漁火映何處笛  
聲揚舟趁長風度人隨明月光應門孺子待把  
酒攄匡牀

漫興

釣罷清溪看罷山且隨孤鶴伴雲間生平巖壑  
從吾好竹裏梅花屋兩間



覓句

月上踈簾帶晚霞微風吹落木藤花幽人覓句  
渾無語宿遍池塘幾樹鴉

遊仙

鐵笛橫吹鶴背遙碧雲天外數峰峽羅浮山上  
梅花落無那隨風作雪飄

宿東郊田舍

清夜過田家蕭然出人境殘霞散碧天落日啣  
蒼嶺邀我草堂間月照松蘿影鳥栖芳樹深犬

吠荒村冷濁酒情易酣豈辭良夜永而我醉無  
歸留驩惜餘景

沈觀察避喧山中

暫辭金馬門高蹈誰能酬屏跡闕名山烟霞入  
冥搜往來謝塵鞅世遠心悠悠眷言樂終日安  
坐觀沉浮靄靄窓前雲泠泠石上流清齋理水  
絃一曲松風幽甘與木石居心偕鹿豕儔無爲  
契玄靜有道企前修逍遙巖谷間何異蓬萊遊

過西關訪耶溪上人菴

逃禪何必問廬山  
西水津頭叩竹關  
禪觀六時塵劫盡  
心明一點佛燈閒  
客來已過齋鐘後  
鳥下猶聞法座間  
最喜摩尼珠尚在  
夜深光照客途還

遊三塔寺

凌虛朱閣偶來登  
鴈塔青霄逼幾層  
龍去千年淵尚在  
松高百尺翠猶凝  
殿明長照然燈佛  
日落初歸乞鉢僧  
我亦間來依靜域  
澄心更欲理三乘

陳良卿讀書僧舍

愛爾潛脩勵壯心蕭然一室寄禪林  
編依積雪攻長夜讀借慈燈惜寸陰  
花發祇園揮藻翰月明梵宇淨幽襟  
秋來桂子天風度好振鸞霄萬里音

贈章仲玉

吳下重逢子墨卿詩家五字號長城  
知君鐵畫應無敵克捷人間筆陣兵

此君善劖劒

過精嚴寺

千古靈光寺樓臺倚碧霄鐘聲時隱隱幡影日  
寥寥鶴舞松間石僧飡竹下瓢幽懷堪自適一  
榻白雲饒

月下與張山人聽琴

涼月臨虛牖清商動石林乍疑流水調翻聽老  
龍吟萬木澄秋色千峰翳夕陰平生幽曠志若  
個是知音

夏夜

螢光照霏微河影見清淺林軒度涼風不覺煩

心遣

題畫四首

茅屋傍烟霞  
臨溪幾樹花  
不知塵境外  
別是有山家

其二

山空飄榭葉  
石隙露雲根  
鳥集溪邊木  
人歸烟外村

其三

古寺溪橋外  
孤帆烟水中  
江雲迷野樹  
鷗鳥伴

漁翁

其四

樹密青山合雲深鳥不飛如何採薪者薄暮未  
言歸

郊墅雜興四首

十里湖光好群鷗傍渚沙青門瓜五色玄圃樹  
三花豹隱南山霧星懸處士家村居聊習靜久  
矣謝紛華

其二

生計貧仍拙，愁懷老漸增。  
無心堪應物，有髮解爲僧。  
山聳無聲畫，星懸不夜燈。  
昔人有遺照，齧折我何能。

其三

夙耽丘壑卧，甘與鹿麋親。  
年華星髮改，生事石田貧。  
世路悲難合，人情豈易真。  
平生拚縱酒，潦倒自全身。

其四

山林有清况，茲復載陽時。  
舊巢喧乳燕，新水漲



開學和  
平陂地迥心逾靜  
人間日更遲  
幽栖吾自適  
何解世人知

晚望有懷

同心不可見  
雲樹兩茫然  
悵以歲云暮  
婁其月正圓  
風塵吾欲老  
詩思子猶玄  
好寄南來鴈  
音書莫杳傳

藕絲詞

憶郎渾似藕絲深  
藕絲不斷牽妾心  
安得常如蘿蔦蔓  
纏綿未結松枝陰

宮詞

寂寞羅幃夢不成  
忽聞別院按歌聲  
瑣窓獨坐憐孤影  
惟有梨花伴月明

其二

珠簾半捲月侵牀  
漫撥琵琶曲意長  
滿地白雲人不見  
一庭踈雨杏花香

江南竹枝詞四首

夜來時雨溢春田  
江上蘼蕪遠接天  
青笠綠簑雙跣足  
柳條帶雨串銀鱗

其二

村南老婦鐵搔頭  
臯縮唇犁項上瘤  
笑指紅顏採桑女  
吾家新婿已封侯

其三

梅雨秧田綠正舒  
桔槔終日掛庭除  
妾在房中剥白繭  
郎從海口販黃魚

其四

黃苳滿畦菱滿湖  
問君生計不須圖  
黃苳先償李家債  
菱錢欲抵張家租

獨坐

野人寂無事一室自蕭閒  
歲月青山裏琴樽碧  
水間浮雲秋易變落日鳥  
俱還何處吹長笛悠  
然獨掩關

辛巳除夕

梅柳傳春信冰霜易歲華  
物情看漸改霜髮惜  
交加綵勝裁春帖青燈剪  
夜花一樽聊自適簫  
鼓幾人家

挽百泉皇甫師

開學和  
大雅淪亡後詞林已失君人皆憐宦跡天已忌  
斯文冊壑成長夜青山慘暮雲風流不可作四  
海有名聞

挽冬溪澤上人

五燈傳淨土隻履向西方寶偈藏虛室鉢衣付  
古堂秋風淒淒錫杖夜月冷禪牀莫道旃林寂猶  
餘苾草方